



Број/Број: 01/а – 50 – 1 – 15 - 61/09
Сарајево/Sarajevo: 30. 9. 2009.

ZAPISNIK

61. sjednice Predstavničkog doma Parlamentarne skupštine Bosne i Hercegovine, održane 30. 9. 2009. godine

Sjednica je počela u 10 sati. Prisustvovalo je 37 poslanika.

Opravdano su odsustvovali: Zlatko Lagumdžija, Vinko Zorić, Bakir Izetbegović, Milica Marković i Slavko Matić.

Iz Vijeća ministara BiH sjednici su prisustvovali predsjedavajući Nikola Špirić, te ministri: Bariša Čolak, Rudo Vidović, Sredoje Nović, Dragan Vrankić i zamjenici ministara: Mijo Krešić, Srđan Arnaut i Vilim Primorac.

Iz međunarodnih organizacija sjednicu su pratili predstavnici: OHR-a, OSCE-a, EUSR-a, EUPM-a, USAID/PSP u BiH, američke ambasade, te nevladine organizacije Centri civilnih inicijativa.

Na početku sjednice, u okviru prethodnih pitanja, predsjedavajući Milorad Živković informirao je Dom da je Centralna izborna komisija BiH, 23. 9. 2009., dostavila Domu Odluku o prestanku mandata Jovanu Todoroviću i dodjeli mandata sljedećem kvalificiranom kandidatu Saveza nezavisnih socijaldemokrata – SNSD – Milorad Dodik, s najvećim brojem osvojenih pojedinačnih glasova u drugim višечланним изборним јединицама за Представнички дом PSBiH sa teritorije RS-a, a to je Vesna Šain. Ova odluka postala je pravosnažna 17. 9. 2009. Vesna Šain je, 29. 9. 2009., potpisala izjavu o prihvatanju mandata. Predsjedavajući je pozvao Vesnu Šain da da svečanu izjavu, što je poslanica i učinila.

Predsjedavajući Živković također je informirao Dom da je, 17.9.2009., predsjedavajući Mješovitog kluba poslanika narodnih stranaka Martin Raguž dostavio obavještenje da je, 12. 7. 2009., Mješovitom klubu pristupio poslanik Rifat Dolić iz DNZ-a BiH pa Klub sada čine poslanici: Martin Raguž, Vinko Zorić i Rifat Dolić.

Nakon prethodnih pitanja, predsjedavajući je obrazložio izmjene i dopune prijedloga dnevnog reda, koje su usaglašene na Kolegiju i Proširenom kolegiju Doma. Izvršene su sljedeće izmjene i dopune prijedloga dnevnog reda:

S dnevnog reda skidaju se:

- **tačka 6.** Prijedlog zakona o protuminskom djelovanju u BiH, predlagača Vijeća ministara BiH, po zahtjevu Zajedničke komisije za ljudska prava, prava djeteta, mlade, imigraciju, izbjeglice, azil i etiku.
- **tačka 16.** Rasprava o materijalima uz poslaničku inicijativu „Položaj te mjere za poboljšanje položaja građana Bosne i Hercegovine koji su bili zaposleni i nastanjeni u Republici Hrvatskoj, a u periodu od 1991. do 1995. godine otpušteni s posla – usvojena inicijativa poslanika Momčila Novakovića na 53. sjednici Doma, održanoj 13. 5. 2009., također po zahtjevu Zajedničke komisije za ljudska prava, prava djeteta, mlade, imigraciju, izbjeglice, azil i etiku.

Tačka 18. dnevnog reda dopunjava se **Prijedlogom zakona o izmjenama i dopunama Zakona o finansiranju političkih stranaka.**

U dnevni red uvrštena je nova tačka - **Prijedlog zakona o Agenciji za prevenciju korupcije i koordinaciju borbe protiv korupcije, predlažać: Vijeće ministara BiH, zakon broj: 01,02-02- 9 - 88/09, od 28. 9. 2009. (prvo čitanje).**

U raspravi o prijedlogu dnevnog reda izneseni su sljedeći prijedlozi:

Šefik Džaferović predložio je da se u dnevni sjednice uvrste sljedeći zakoni: Prijedlog zakona o izmjenama i dopunama Krivičnog zakona BiH, Prijedlog zakona o izmjenama Zakona o Sudu BiH, Prijedlog zakona o izmjenama i dopunama Zakona o Tužilaštvu BiH, s obzirom da će izvještaji Ustavnoopravne komisije stići u toku sjednice. Podsjetio je da je Prijedlog zakona o izmjenama i dopunama Krivičnog zakona BiH jedan od uslova za ispunjavanje obaveza iz Mape puta za liberalizaciju viznog režima, a skrenuo je pažnju i na važnost ostala dva zakona.

Denis Bećirović predložio je da se dnevni red sjednice dopuni novom tačkom - Razmatranje informacije o kršenju ljudskih prava državljanina Bosne i Hercegovine Ilije Jurišića.

Halid Genjac predložio je da se kao posljednja tačka dnevnog reda uvrsti - Usvajanje zaključka o uključivanju delegacije Parlamentarne skupštine BiH u posjetu predsjedavajućem i tijelima Evropskog parlamenta, radi prezentiranja ostvarivanja obaveza iz Mape puta za liberalizaciju viznog režima.

U raspravi o dnevnom redu učestvovali su: Momčilo Novaković, Drago Kalabić, Jozo Križanović, Slavko Jovičić, Beriz Belkić, Branko Dokić, Lazar Prodanović, Remzija Kadrić, Selim Bešliagić, Željko Kuzmanović, Martin Raguž i Milorad Živković.

Za riječ se javio i predsjedavajući Vijeća ministara BiH Nikola Špirić, koji je rekao da je Vijeće ministara BiH s današnjom sjednicom ispunilo sve uslove iz Mape puta za liberalizaciju viznog režima. Kazao je da je od zadnjeg izvještaja koji je upućen Parlamentarnoj skupštini BiH, a koji se odnosio na ispunjavanje obaveza iz Mape puta za liberalizaciju viznog režima, Vijeće ministara BiH:

- utvrdilo Prijedlog zakona o izmjenama i dopunama Krivičnog zakona BiH, Prijedlog zakona o izmjenama i dopunama Zakona o krivičnom postupku, Prijedlog zakona o Agenciji za prevenciju korupcije i koordinaciju borbe protiv korupcije,
- pripremilo i usvojilo Strategiju za borbu protiv organiziranog kriminala, Strategiju za borbu protiv korupcije i Akcioni plan za provođenje strategije za period 2009. – 2014., Strategiju registracije povratka po osnovu Sporazuma o readmisiji, Strategiju za sprečavanje pranja novca i finansiranje terorističkih aktivnosti i Pripadajući akcioni plan za period 2009. - 2013. godina, Državni akcioni plan borbe protiv zloupotrebe opojnih droga u BiH,
- primijenilo standarde za razmjenu informacija s Evropskim centrom za nadzor droga i ovisnosti od drogama,
- redovno provodi Akcioni plan za borbu protiv trgovine ljudima,
- usvojilo migracioni profil BiH,
- donijelo odluku o obavezi dostavljanja statističkih podataka o migracijama i međunarodnoj zaštiti u Ministarstvu sigurnosti BiH,
- uspostavilo i pustilo u rad informacioni sistem za migracije,
- privelo kraju radove na izgradnji druge faze Imigracionog centra,
- usvojilo niz sistemskih mjera kako bi, 15. oktobra 2009., institucije na svim nivoima vlasti bile spremne za početak izdavanja biometrijskih pasoša korištenjem poboljšanog sistema dokumenata u koji su uključeni svi organi iz tzv. lanca indentiteta. Naglasio je činjenicu da je od jula ove godine u BiH počeo proces izdavanja pasoša po biometrijskim uslovima i da je do sada već izdato više od 41

- hiljade pasoša po biometrijskim standardima, te da su svi nadležni organi u lancu izdavanja biometrijskih pasoša usvojili antikoruptione programe i izveli obuke,
- zaključilo Sporazum o saradnji svih institucija koje upravljaju integriranjem i upravljanjem granicom,
 - donijelo odluku o instituciji koja je nadležna za upravljanje graničnim prijelazima, izgradnju i održavanje graničnih prijelaza,
 - uspostavilo zajednički centar za analizu rizika za integrirano upravljanje granicom,
 - usvojilo sve podzakonske akte i pravilnike o azilu. Ministarstvo sigurnosti BiH usvojilo je jedan, a Ministarstvo civilnih poslova BiH tri pravilnika kojima se uređuje oblast izdavanja putnih dokumenata za izbjeglice, lica bez državljanstva i strance,
 - uspostavilo odnose s Eurojustom, Europolom,
 - u potpunosti uspostavilo funkcionalnu Agenciju za zaštitu ličnih podataka,
 - usaglasilo sporazume o uspostavljanju sistema elektronske razmjene podataka iz evidencija policijskih tijela i tužilaštava te utvrdilo da će server za razmjenu podataka biti smješten u Direkciji za koordinaciju policijskih tijela BiH u Sarajevu.

Na kraju izlaganja zamolio je da i Parlamentarna skupština BiH ispuni sve svoje obaveze koje su u njenoj nadležnosti.

Nakon toga, Dom se izjašnjavao o prijedlogu Šefika Džaferovića. „Za“ su glasala 22 poslanika (iz Federacije BiH 21, iz Republike Srpske jedan), 10 poslanika bilo je „protiv“ , a „suzdržanih“ nije bilo.

Zbog nedovoljne entitetske većine, Kolegij je odmah proveo usaglašavanje i nije postignuta saglasnost, te se prešlo u drugi krug glasanja.

U drugom krugu glasanja „za“ prijedlog dopune dnevnog reda Šefika Džaferovića glasala su 22 poslanika (iz Federacije BiH 21, iz Republike Srpske jedan), „protiv“ 10 (iz Republike Srpske), a „suzdržanih“ nije bilo.

Predsjedavajući je konstatirao da Dom nije usvojio prijedlog dopune dnevnog reda.

Zatim se prešlo na glasanje o prijedlogu Denisa Bećirovića. „Za“ je glasao 21 poslanik (iz Federacije BiH 20, iz Republike Srpske jedan), 10 „protiv“, a dva poslanika bila su „suzdržana“.

Zbog nedovoljne entitetske većine, Kolegij je odmah proveo usaglašavanje i nije postignuta saglasnost, te se prešlo u drugi krug glasanja.

U drugom krugu „za“ prijedlog dopune dnevnog reda Denisa Bećirovića glasala su 22 poslanika (iz Federacije BiH 21, iz Republike Srpske jedan), „protiv“ 10 (iz Republike Srpske), a jedan poslanik bio je „suzdržan“.

Predsjedavajući je konstatirao da Dom nije usvojio ni ovaj prijedlog dopune dnevnog reda.

I na kraju se Dom izjašnjavao o prijedlogu Halida Genjca, te je, s 28 glasova „za“ (iz Federacije BiH 19, iz Republike Srpske devet), bez glasova „protiv“ i četiri „suzdržana“ glasa, usvojio prijedlog dopune dnevnog reda.

Predsjedavajući je za 61. sjednicu Predstavničkog doma konstatirao sljedeći

D N E V N I R E D

1. Usvajanje Zapisnika 60. sjednice Predstavničkog doma;
2. Poslanička pitanja:
 - a) Komentari na dobivene odgovore,
 - b) Nova poslanička pitanja;

3. Izjašnjavanje o Prijedlogu zakona o poštama BiH, predlagač: Vijeće ministara BiH, zakon broj: 01,02-02-9-15/09, od 3.2.2009. (drugo čitanje);
4. Prijedlog zakona o primjeni Rimskog statuta Međunarodnog krivičnog suda i saradnji s Međunarodnim krivičnim sudom, predlagač: Vijeće ministara BiH, zakon broj: 01,02-02-5-73/09, od 27.7.2009. (drugo čitanje);
5. Prijedlog zakona o izmjenama i dopunama Zakona o Pravobranilaštvu BiH, predlagač: Vijeće ministara BiH, zakon broj: 01,02-02-5-71/09, od 20.7.2009. (drugo čitanje);
6. Prijedlog zakona o slobodnim zonama u BiH, predlagač: Vijeće ministara BiH, zakon broj: 01,02-02-3-72/09, od 23.7.2009. (drugo čitanje);
7. Prijedlog zakona o dopuni Zakona o „Službenom glasilu BiH“, predlagač: poslanik Adem Huskić, zakon broj: 01-02-9-69/09, od 15.7.2009. (drugo čitanje);
8. Prijedlog zakona o izmjenama i dopunama Zakona o upravi, predlagač: Vijeće ministara BiH, zakon broj: 01,02-02-5-80/09, od 14.9.2009. (prvo čitanje);
9. Prijedlog zakona o izmjenama i dopunama Zakona o krivičnom postupku BiH, predlagač: Vijeće ministara BiH, zakon broj: 01,02-5-82/09, od 14.9.2009. (prvo čitanje);
10. Prijedlog zakona o dopuni Zakona o plaćama i naknadama u inistitucijama BiH, predlagači: poslanici Kluba Stranke za BiH, zakon broj: 01,02 – 4 – 66/09, od 8.7.2009. (prvo čitanje);
11. Prijedlog zakona o Agenciji za prevenciju korupcije i koordinaciju borbe protiv korupcije, predlagač: Vijeće ministara BiH (prvo čitanje);
12. Izvještaj o izvršenju Budžeta institucija BiH i međunarodnih obaveza BiH za 2008. godinu, podnosilac: Predsjedništvo BiH, Izvještaj broj: 01,02,16-1-1001/09, od 7.8.2009;
13. Izvještaj Ureda za reviziju insitucija BiH o reviziji Izvještaja o izvršenju Budžeta inistitucija BiH za 2008. godinu, podnosilac: Ured za reviziju institucija BiH, Izvještaj broj: 01-16-1-1080/09, od 11.9.2009;
14. Izvještaj iz oblasti poljoprivrede za BiH za 2008. godinu, podnosilac: Vijeće ministara BiH, Izvještaj broj: 01,02-28-988/09, od 27.7.2009;
15. Informacija o usvojenim mjerama za ublažavanje negativnih efekata globalne ekonomske krize u Bosni i Hercegovini, materijal Vijeća ministara BiH, broj: 01-50-3-1004/09, od 24.8.2009.;
16. Prijedlog zaključka o osnivanju Istražne komisije za provjeru navoda o raspodjeli CEMT dozvola (inicijativa usvojena na 60. sjednici Doma, 16.9.2009.);
17. Imenovanje tri poslanika iz Predstavničkog doma u Zajedničku komisiju radi usaglašavanja identičnog teksta Zakona o izmjenama i dopunama Zakona o osnovama sigurnosti saobraćaja na putevima u BiH;
18. Imenovanje članova u Interresornu radnu grupu za pripremu Prijedloga zakona o izmjenama i dopunama Izbornog zakona BiH i Prijedloga zakona o izmjenama i dopunama Zakona o finansiranju političkih stranaka;
19. Usvajanje zaključka o upućivanju delegacije Parlamentarne skupštine BiH u posjetu predsjedavajućim i tijelima Evropskog parlamenta radi prezentiranja ostvarivanja obaveza iz Mape puta za liberalizaciju viznog režima, predlagač: poslanik Halid Genjac;
20. Davanje saglasnosti za ratifikaciju:
 - a) Sporazuma o zajmu između Bosne i Hercegovine i Međunarodne banke za obnovu i razvoj – Drugi projekat upravljanja čvrstim otpadom,
 - b) Sporazuma o finansiranju između Bosne i Hercegovine i Međunarodne asocijacije za razvoj (IDA) - Drugi projekat upravljanja čvrstim otpadom,

- c) Sporazuma o finansiranju između BiH i Komisije Evropskih zajednica o programu finansiranja učešća BiH u ERDF evropskim programima međunarodne teritorijalne saradnje „Jugoistočna Evropa“ i „Meditran“ na osnovu instrumenta pretpristupne pomoći (IPA), komponenta prekogranične saradnje za 2008. godinu,
- d) Sporazuma između Vijeća ministara BiH i Vlade Savezne Republike Njemačke o finansijskoj saradnji u 2007. godini.

Ad. 1. Usvajanje Zapisnika 60. sjednice Predstavničkog doma

Predsjedavajući je konstatirao da je Zapisnik dostavljen poslanicima.

Nije bilo rasprave.

Zapisnik 60. sjednice usvojen je s 32 glasa „za“ (iz Federacije BiH 20, iz Republike Srpske 12), jednim „protiv“ i jednim „sudržanim“ glasom.

Ad. 2. Poslanička pitanja

Predsjedavajući Živković konstatirao je da su od prošle do ove sjednice odgovore na pitanja dobili:

- Slavko Matić – od Vijeća ministara BiH, na pitanje posatvljeno na 56. sjednici (dva odgovora),
- Remzija Kadrić – od Vijeća ministara BiH, na pitanje postavljeno na 42. sjednici.
- Husein Nanić – od Vijeća ministara BiH, na pitanja postavljena na 57. (dva odgovora) i 58. sjednici, kao i odgovor na pitanje postavljeno na 3. posebnoj zajedničkoj sjednici oba doma PSBiH,
- Mehmed Suljkanović - od Vijeća ministara BiH, na pitanje postavljeno na 58. Sjednici,
- Šemsudin Mehmedović - od Vijeća ministara BiH, na pitanja postavljena na 57. i 58. sjednici,
- Željko Kuzmanović - od Agencije za statistiku BiH, na pitanje postavljeno na 59. sjednici,
- Azra Alajbegović – od Agencije za razvoj visokog obrazovanja i osiguranje kvaliteta Banja Luka, na pitanje postavljeno na 58. sjednici,
- Rifat Dolić – od Vijeća ministara BiH, na inicijativu upućenu na 52. sjednici Doma,
- Milorad Živković – od Ministarstva zdravlja i socijalne zaštite RS-a, na pitanje postavljeno na 58. sjednici Doma.

Azra Hadžiahmetović predložila je da poslanici svoja poslanička pitanja dostave u pisanoj formi, kako bi se moglo preći na ostale tačke dnevnog reda.

„Za“ prijedlog Azre Hadžiahmetović glasalo je 19 poslanika (iz Federacije BiH 10, iz Republike Srpske 9), „protiv“ dva i jedan poslanik bio je „suzdržan“, pa je predsjedavajući konstatirao da je ovaj prijedlog usvojen te da oni koji žele pitanja mogu dostaviti u pisanoj formi.

Dobivene odgovore komentirali su: Remzija Kadrić, Mehmed Suljkanović i Šemsudin Mehmedović.

U okviru komentara na dobivene odgovore ponovljena su ranije postavljena pitanja kako slijedi:

Šemsudin Mehmedović:

1. Koliko je državljana Republike Hrvatske (iz tzv. kninske krajine) upisano u matične knjige državljana BiH u matičnim uredima Republike Srpske?
2. Koliko ih je upisano na osnovu rješenja?
3. Koliko ih je upisano bez ikakvog rješenja?
4. Ko je odgovoran za ovakvu djelatnost?

Denis Bećirović zamolio je Kolegij da uputi urgenciju institucijama koje još uvijek nisu dostavile odgovore na postavljena pitanja, te da se pitanja s današnje sjednice zapisnički evidentiraju i da se na njih pokuša dobiti odgovor u poslovničkom roku.

Predsjedavajući je konstatirao će Kolegij uputiti urgenciju svim institucijama da dostave odgovore na postavljena pitanja.

Nova poslanička pitanja postavljena su u pisanoj formi kako slijedi:

Denis Bećirović:

Gdje su u periodu od 1. marta 2008. do 1. oktobra 2009. putovali poslanici i delegati Parlamentarne skupštine BiH. Tražim da mi se tačno navede:

- strana destinacija gdje su putovali;
- ime i prezime poslanika/delegata koji je putovao;
- ukupni troškovi putovanja poslanika/delegata (dnevnice, avionske ili druge karte i drugi troškovi);
- konkretni efekti putovanja.

Husein Nanić:

1. Da li je Vijeće ministara BiH pripremlilo informaciju o spremnosti institucija BiH za preuzimanje obaveza u vezi s primjenom SSP-a i kada će je dostaviti u parlamentarnu proceduru?
2. Da li je Ministarstvo sigurnosti BiH uradilo plan aktivnosti s ciljem poboljšanja stanja u oblasti krivičnih djela krađe automobila i kada će o tome informirati Predstavnički dom PSBiH?

Azra Alajbegović:

Molim da Agencija za lijekove dostavi izvještaj o dosadašnjem radu, s posebnim akcentom na prostorno, personalno i finansijsko poslovanje i u sklopu toga molim odgovor na pitanje da li su adekvatno pozicionirani svi kadrovi koji su inkorporirani u Agenciji - bivši Zavod za kontrolu lijekova FBiH? U sklopu pitanja i odgovora, očekujem pojedinačna pozicioniranja uposlenika u skladu sa statutom Agencije, uz spisak neraspoređenih s razlozima istoga.

Rifat Dolić:

1. Kojim propisima i na koji način je uređena procedura javnog prikupljanja pomoći građanima BiH ili porodicama za liječenje i socijalno zbrinjavanje u kojima kao animatori i inicijatori učestvuju mediji i pojedine vladine i nevladine organizacije za koja često ima humano opravdanje, ali se sve češće radi i o javnim prevarama?
2. Na koji način je u vašoj instituciji reguliran postupak upućivanja žalbi i primjedbi građana na ponašanje službenika Granične policije i carine za vrijeme obavljanja dužnosti na graničnim prijelazima u Bosni Hercegovini?

Jerko Ivanković Lijanović:

Na osnovu koje kalkulacije ste došli do podatka da će u slučaju usvajanja Zakona o akcizama u BiH najjeftinije cigarete u BiH koštati 3,50 KM, a što je više nego u Republici Hrvatskoj? Molim Vas da dostavite otvorenu kalkulaciju sa svim stavkama iz Republike Hrvatske i Bosne i Hercegovine za iste cigarete, kako bi potkrijepili navode navedene u mišljenju.

Šefik Džaferović:

Zašto Univerzitetu u Sarajevu nisu doznačena novčana sredstva u iznosu od 9,5 miliona KM dobivena od prodaje dijela zemljišta Kampusu Univerziteta u Sarajevu Vladi Sjedinjenih Američkih Država, a koja Univerzitet potražuje još od 2005. godine i šta je s tim sredstvima?

Ad. 3. Izjašnjavanje o Prijedlogu zakona o poštama BiH, predlagač:

Vijeće ministara BiH, Zakon broj: 01,02 – 02 – 9 - 15/09, od 3. 2. 2009.

(drugo čitanje)

Predsjedavajući Milorad Živković je, između ostalog, podsjetio Dom da je na 55. sjednici, održanoj 10.6.2009., ponovo odgođeno izjašnjavanje o Prijedlogu zakona, tako da će se Dom na današnjoj sjednici samo izjasniti o Zakonu u drugom čitanju.

„Za“ Prijedlog zakona glasala su 24 poslanika (iz Federacije BiH 22, iz Republike Srpske dva), osam „protiv“ i tri „suzdržana“. Predsjedavajući je konstatirao da nema entitetske većine. Kolegij je odmah proveo usaglašavanje i nije postignuta saglasnost, pa se prešlo na glasanje u drugom krugu.

„Za“ su glasala 22 poslanika (iz Federacije BiH 20, iz Republike Srpske dva), „protiv“ 11 (iz Republike Srpske), dok „suzdržanih“ nije bilo, te je predsjedavajući konstatirao da Prijedlog zakona o poštama u BiH nije prošao u drugom čitanju.

Ad. 4. Prijedlog zakona o primjeni Rimskog statuta Međunarodnog krivičnog suda i saradnji s Međunarodnim krivičnim sudom, predlagač:

Vijeće ministara BiH, Zakon broj: 01, 02 – 02 – 5 - 73/09, od 27. 7. 2009.

(drugo čitanje)

Nakon uvodnih napomena predsjedavajućeg, nije bilo rasprave o ovoj tački dnevnog reda.

Dom je jednoglasno, s 35 glasova „za“ (iz Federacije BiH 22, iz Republike Srpske 13), usvojio Prijedlog zakona u drugom čitanju.

Ad. 5. Prijedlog zakona o izmjenama i dopunama Zakona o Pravobranilaštvu BiH,

predlagač: Vijeće ministara BiH, Zakon broj: 01, 02 – 02 – 5 - 71/09,

od 20. 7. 2009. (drugo čitanje)

Predsjedavajući Milorad Živković napomenuo je da je nadležna Ustavnopravna komisija dostavila Izvještaj s jednoglasno usvojena dva amandmana koja postaju sastavni dio izvještaja.

Nakon uvodnih napomena, u raspravi je učestvovao Šefik Džaferović, kao predsjedavajući Ustavnopravne komisije.

S 34 glasa „za“ (iz Federacije BiH 21, iz Republike Srpske 13), bez glasova „protiv“ i dva „suzdržana“ glasa, Prijedlog zakona usvojen je u drugom čitanju.

Ad. 6. Prijedlog zakona o slobodnim zonama u BiH, predlagač: Vijeće ministara BiH

Zakon broj:01,02-02-3-72/09, od 23.7.2009. (drugo čitanje)

Predsjedavajući je u uvodnim napomenama rekao da je nadležna Komisija za vanjsku trgovinu i carine dostavila izvještaj s jednoglasno usvojena četiri amandmana koji postaju sastavni dio izvještaja. Naveo je i to da je Komisija za finansije i budžet, postupajući po zaključku Doma s 59. sjednice, dostavila obavještenje da je jednoglasno podržala Zakon.

Nije bilo rasprave u okviru ove tačke dnevnog reda.

S 32 glasa „za“ (iz Federacije BiH 22, iz Republike Srpske 10), bez glasova „protiv“ i četiri „suzdržana“ glasa, Prijedlog zakona usvojen je u drugom čitanju.

**Ad. 7. Prijedlog zakona o dopuni Zakona o službenom glasilu BiH, predlagač:
poslanik Adem Huskić, Zakon broj:01 – 02 – 9 - 69/09, od 15. 7. 2009.
(drugo čitanje)**

Predsjedavajući je dao kratke napomene, nakon kojih nije bilo rasprave.

Predstavnički dom je, s 30 glasova „za“ (iz Federacije BiH 22, iz Republike Srpske osam), bez glasova „protiv“ i pet „suzdržanih“ glasova, usvojio Prijedlog zakona u drugom čitanju.

**Ad. 8. Prijedlog zakona o izmjenama i dopunama Zakona o upravi, predlagač:
Vijeće ministara BiH, Zakon broj: 01, 02 – 02 – 5 - 80/09, od 14. 9. 2009.
(prvo čitanje)**

Nakon uvodnih napomena predsjedavajućeg Milorada Živkovića, nije bilo rasprave o ovoj tački dnevnog reda.

S 30 glasova „za“ (iz Federacije BiH 20, iz Republike Srpske 10), bez glasova „protiv“ i šest „suzdržanih“ glasova, Dom je usvojio Prijedlog zakona u prvom čitanju.

**Ad.9. Prijedlog zakona o izmjenama i dopunama Zakona o krivičnom postupku BiH
predlagač: Vijeće ministara BiH, Zakon broj: 01, 02 – 5 - 82/09,
od 14. 9. 2009. (prvo čitanje)**

Predsjedavajući Milorad Živković dao je kratke uvodne napomene, nakon čega nije bilo rasprave.

Predstavnički dom je, s 33 glasa „za“ (iz Federacije BiH 23, iz Republike Srpske 10), bez glasova „protiv“ i tri „suzdržana“ glasa, usvojio Prijedlog zakona u prvom čitanju.

**Ad.10. Prijedlog zakona o dopuni Zakona o plaćama i naknadama u inistitucijama BiH,
predlagači: Klub poslanika Stranke za BiH, Zakon broj: 01, 02 – 4 – 66/09,
od 8. 7. 2009. (prvo čitanje)**

Predsjedavajući je dao uvodne napomene, nakon čega je u raspravi učestvovao Remzija Kadrić.

„Za“ Prijedlog zakona glasalo je 25 poslanika (iz Federacije BiH 23, iz Republike Srpske dva), 11 poslanika bilo je „protiv“, „suzdržanih“ nije bilo, te je predsjedavajući konstatirao da nema dovoljne entitetske većine.

Kolegij je odmah proveo usaglašavanje i nije postignuta saglasnost, te se prešlo u drugi krug glasanja.

U drugom krugu „za“ je bilo 24 poslanika (iz Federacije BiH 22, iz Republike Srpske dva), „protiv“ je bilo 11 poslanika (iz Republike Srpske) i niko nije bio „suzdržan“, te Prijedlog zakona nije usvojen u prvom čitanju.

Ad. 11. Prijedlog zakona o Agenciji za prevenciju korupcije i koordinaciju borbe protiv korupcije, predlagač: Vijeće ministara BiH (prvo čitanje)

Predsjedavajući je dao kratke uvodne napomene. U raspravi su učestvovali: Beriz Belkić, Azra Hadžiahmetović, Jozo Križanović, Slavko Jovičić, Mehmed Suljkanović, Velimir Jukić, Adem Huskić, Milorad Živković, Niko Lozančić, Šefik Džaferović, Selim Bešliagić, Šemsudin Mehmedović i Mirko Okolić.

S 31 glasom „za“ (iz Federacije BiH 21, iz Republike Srpske 10), bez glasova „protiv“ i pet „suzdržanih“, Prijedlog zakona usvojen je u prvom čitanju.

Nakon toga Dom se izjašnjavao o zaključku poslanika Azre Hadžiahmetović koji glasi:

„Zbog važnosti što hitnijeg uspostavljanja i funkcioniranja Agencije za prevenciju korupcije i koordinaciju borbe protiv korupcije, potrebno je da se Predstavnički dom na današnjoj sjednici izjasni o Prijedlogu zakona i u drugom čitanju“.

„Za“ je glasao 21 poslanik (iz Federacije BiH 19, iz Republike Srpske dva), „protiv“ je glasalo 14 poslanika i jedan poslanik bio je „suzdržan“. Predsjedavajući je konstatirao da nema dovoljne entitetske većine, te će se Kolegij kao komisija pokušati usaglasiti u roku od tri dana, o čemu će se obavijestiti Dom.

Ad. 12. Izvještaj o izvršenju Budžeta institucija BiH i međunarodnih obaveza BiH za 2008. godinu, podnosilac: Predsjedništvo BiH, izvještaj broj: 01,02,16-1-1001/09, od 7.8.2009.

Predsjedavajući je dao kratke uvodne napomene. U raspravi su učestvovali Jozo Križanović i Velimir Jukić.

S 29 glasova „za“ (iz Federacije BiH 16, iz Republike Srpske 13), jednim glasom „protiv“ i pet „suzdržanih“ glasova, Dom je usvojio Izvještaj.

Ad. 13. Izvještaj Ureda za reviziju institucija BiH o reviziji Izvještaja o izvršenju Budžeta institucija BiH za 2008. godinu, podnosilac: Ured za reviziju institucija BiH, izvještaj broj: 01-16-1-1080/09, od 11.9.2009.

Prvi zamjenik predsjedavajućeg Niko Lozančić dao je uvodne napomene. U raspravi su učestvovali: Savo Erić, Velimir Jukić, Azra Hadžiahmetović, Beriz Belkić, Niko Lozančić, Slavko Jovičić, Denis Bećirović, Sadik Bahtić i Lazar Prodanović.

S 29 glasova „za“ (iz Federacije BiH 20, iz Republike Srpske 9), četiri glasa „protiv“ i tri „suzdržana“ glasa, Dom je usvojio Izvještaj s mišljenjem Komisije za finasnije i budžet.

Ad. 14. Izvještaj iz oblasti poljoprivrede za BiH za 2008. godinu, podnosilac: Vijeće ministara BiH, Izvještaj broj: 01,02-28-988/09, od 27.7.2009.

Predsjedavajući Milorad Živković dao je uvodne napomene, nakon čega su u raspravi učestvovali: Mirko Okolić, Jerko Ivanković Lijanović, Slavko Jovičić, Momčilo Novaković, Šemsudin Mehmedović, Željko Kuzmanović, Husein Nanić, Selim Bešlić, Velimir Jukić, Šefik Džaferović. U raspravi je učestvovao i Dušan Nešković, pomoćnik ministra vanjske trgovine i ekonomskih odnosa BiH - Sektor za poljoprivredu, ishranu, šumarstvo i ruralni razvoj.

Dom je, s 27 glasova „za“ (iz Federacije BiH 17 iz Republike Srpske 10), osam glasova „protiv“ i bez „suzdržana“ glasova, usvojio Izvještaj s Mišljenjem Komisije za vanjsku trgovinu i carine.

Nakon toga, Dom je, s 31 glasom „za“ (iz Federacije BiH 23, iz Republike Srpske osam), pet glasova „protiv“ i bez „suzdržanih“ glasova, usvojio prijedlog zaključka poslanika Jerka Ivankovića Lijanovića koji glasi:

„Zadužuje se Vijeće ministara BiH da, u roku od 60 dana, uradi mjere za poboljšanje stanja u poljoprivredi, a posebno mjere koje će povećati pokrivenost uvoza izvozom poljoprivrednih proizvoda“.

Ad. 15. Informacija o usvojenim mjerama za ublažavanje negativnih efekata globalne ekonomske krize u Bosni i Hercegovini, materijal: Vijeća ministara BiH, broj: 01-50-3-1004/09, od 24.8.2009.

Predsjedavajući je dao kratke uvodne napomene.

Denis Bećirović rekao je da je ovo jedna od najvažnijih tema u Bosni i Hercegovini, a s obzirom da nema predsjedavajućeg Vijeća ministara BiH, ministra finansija i trezora i ostalih ministara, misli da je ova tema na neki način degradirana. Predložio je da Dom donese zaključak da ovo bude prva tačka dnevnog reda naredne sjednice Predstavničkog doma, kako bi čuli jedno ozbiljno uvodno izlaganje predsjedavajućeg Vijeća ministara BiH i ministra finansija i trezora BiH.

Predsjedavajući Milorad Živković podsjetio je da, u skladu s članom 68. stav 2. Poslovnika Doma, u slučaju odsustva predlagача sa sjednice, Dom može odlučiti da raspravu vodi i bez prisustva predlagача. Zatim je stavio na glasanje prijedlog da se nastavi rasprava iako predlagач nije prisutan.

Sa sedam glasova „za“ (iz Federacije BiH četiri, iz Republike Srpske tri), šest glasova „protiv“ i bez „suzdržanih“ glasova, Dom je odlučio da ne vodi raspravu bez prisustva predlagача.

Predsjedavajući je kazao da će Prošireni kolegij odlučiti koja će tačka dnevnog reda 62. sjednice biti Informacija o usvojenim mjerama za ublažavanje negativnih efekata globalne ekonomske krize u Bosni i Hercegovini.

Ad. 16. Prijedlog zaključka o osnivanju Istražne komisije za provjeru navoda o raspodjeli CEMT dozvola (inicijativa usvojena na 60. sjednici Doma, 16.09.2009.)

Predsjedavajući je informirao Dom da su na sjednici Proširenog kolegija obavljene konsultacije, te da je prijedlog Proširenog kolegija da u Istražnu komisiju budu izabrani: Drago Kalabić, Mehmed Suljkanović i Vinko Zorić. Rasprave nije bilo.

Prilikom glasanja „za“ je bio 31 poslanik (iz Federacije BiH 19 iz Republike Srpske 12), niko nije bio „protiv“, a četiri poslanika bila su „suzdržana“.

Dom je u Istražnu komisiju za provjeru navoda o raspodjeli CEMT dozvola imenovao: Dragu Kalabića, Mehmeda Suljkanovića i Vinka Zorića.

Ad. 17. Imenovanje tri poslanika iz Predstavničkog doma u Zajedničku komisiju radi usaglašavanja identičnog teksta Zakona o izmjenama i dopunama Zakona o osnovama bezbjednosti saobraćaja na putevima u BiH

Predsjedavajući je informirao Dom da su na sjednici Proširenog kolegija obavljene konsultacije, te da je prijedlog Proširenog kolegija da u Zajedničku komisiju budu izabrani: Slavko Matić, Branko Dokić i Šemsudin Mehmedović. Nije bilo rasprave.

Dom je, s 29 glasa „za“ (iz Federacije BiH 18 iz Republike Srpske 11), jednim glasom „protiv“ i pet „suzdržanih“ glasova, u Zajedničku komisiju za usaglašavanje identičnog teksta Zakona o izmjenama i dopunama Zakona o osnovama sigurnosti saobraćaja na putevima u BiH imenovao: Slavka Matića, Branka Dokića i Šemsudina Mehmedovića.

Ad. 18. Imenovanje članova u Interresornu radnu grupu za pripremu Prijedloga zakona o izmjenama i dopunama Izbornog zakona BiH i Prijedloga zakona o izmjenama i dopunama Zakona o finansiranju političkih stranaka

Predsjedavajući Milorad Živković rekao je da je Kolegij Doma predložio zaključak koji glasi:

„U skladu sa usvojenim zaključcima Predstavničkog doma Parlamentarne skupštine BiH sa 53. sjednice, održane 13. maja 2009., povodom rasprave o Izvještaju o provođenju zakona u nadležnosti Centralne izborne komisije BiH, ovlašćuje se Centralna izborna komisija BiH da, kao nosilac posla, pristupi aktivnostima formiranja Interresorne radne grupe za izmjene i dopune i Zakona o finansiranju političkih stranaka.“

Kazao je i to da je prijedlog Kolegija u proširenom sastavu da članovi Interresorne radne grupe budu: Šefik Džaferović, Milorad Živković i Niko Lozančić. Nije bilo rasprave.

Nakon toga Dom je prešao na glasanje o prijedlogu zaključka s predloženim članovima. Sa 26 glasova „za“ (iz Federacije BiH 16, iz Republike Srpske 10), jednim „protiv“ i osam „suzdržanih“ glasova, Dom je usvojio prijedlog zaključka i u Interresornu radnu grupu za pripremu Prijedloga zakona o izmjenama i dopunama Izbornog zakona BiH i Prijedloga zakona o izmjenama i dopunama Zakona o finansiranju političkih stranaka imenovao: Šefika Džaferovića, Milorada Živkovića i Niku Lozančića.

Ad. 19. Usvajanje zaključka o upućivanju Delegacije Parlamentarne skupštine BiH u posjetu predsjedavajućim i tijelima Evropskog parlamenta radi prezentiranja ostvarivanja obaveza iz Mape puta za liberalizaciju viznog režima, predlagač: poslanik Halid Genjac

Predsjedavajući je rekao da su svi poslanici dobili prijedlog zaključka. Nije bilo rasprave.

Predstavnički dom je, s 27 glasova „za“ (iz Federacije BiH 17, iz Republike Srpske 10), tri „protiv“ i četiri „suzdržana“ glasa, usvojio sljedeći zaključak:

- 1. Uz pomoć MVP-a i Ambasade BiH u Briselu, bit će organiziran sastanak delegacije Parlamentarne skupštine BiH s predsjednikom (ili zamjenikom predsjednika) Evropskog parlamenta i relevantnih odbora Evropskog parlamenta.**

2. Cilj sastanka je prezentiranje postignutih rezultata u ispunjavanju obaveza iz Mape puta za liberalizaciju viznog režima za BiH. Posebno je važno, prilikom ovih razgovora, istaći očekivanja da će se, nakon postignutih rezultata, podržati prijedlog o uvrštavanju BiH u grupu zemalja za koje je predložen „bijeli šengen“ jer bi to bilo priznanje za ispunjenje teških uslova i dodatni poticaj za provođenje onoga što je usvojeno.
3. Delegaciju čine sljedeća tri člana:
 - predsjedavajući Predstavničkog doma,
 - predsjedavajući Doma naroda,
 - predsjedavajući (ili zamjenik) Zajedničke komisije za evropske integracije.
4. Delegacija Parlamentarne skupštine BiH će pomenutu posjetu realizirati najkasnije do kraja oktobra.

Ad. 20. Davanje saglasnosti za ratifikaciju:

- a) Sporazuma o zajmu između Bosne i Hercegovine i Međunarodne banke za obnovu i razvoj – Drugi projekat upravljanja čvrstim otpadom,
- b) Sporazuma o finansiranju između Bosne i Hercegovine i Međunarodne asocijacije za razvoj (IDA) - Drugi projekat upravljanja čvrstim otpadom,
- c) Sporazuma o finansiranju između BiH i Komisije Evropskih zajednica o programu finansiranja učešća BiH u ERDF evropskim programima međunarodne teritorijalne saradnje „Jugoistočna Evropa“ i „Meditran“ na osnovu instrumenta za pretpristupnu pomoć (IPA), komponenta prekogranične saradnje za 2008. godinu,
- d) Sporazuma između Vijeća ministara BiH i Vlade Savezne Republike Njemačke o finansijskoj saradnji u 2007. godini.

Predsjedavajući je u uvodnim napomenama podsjetio da je nadležna Komisija za vanjske poslove dala pozitivno mišljenje o svim aktima i predložio da se vodi jedinstvena rasprava.

Nije bilo rasprave.

Prvo se glasalo o prijedlogu da se Dom izjasni o svim sporazumima u paketu.

S 31 glasom „za“ (iz Federacije BiH 20, iz Republike Srpske 11), dva glasa „protiv“ i jednim „suzdržanim“, Dom je usvojio ovaj prijedlog.

Dom je, s 32 glasa "za" (iz Federacije BiH 20, iz Republike Srpske 12), bez glasova „protiv“ i jednim „suzdržanim“, dao saglasnost za ratifikaciju svih akata iz ove tačke.

Time je realiziran dnevni red.

Predsjedavajući Milorad Živković napomenuo je da je 62. redovna sjednica Doma zakazana za 14. oktobar 2009. i zahvalio se svima na strpljenju i radu.

Sjednica je završena u 17,30 sati.

Sastavni dio Zapisnika je transkript 61. sjednice Predstavničkog doma.

SEKRETAR
PREDSTAVNIČKOG DOMA
Branka Todorović

PREDSJEDAVAJUĆI
PREDSTAVNIČKOG DOMA
dr. Milorad Živković